
ИКЕЛЬЦЕ ВАЛОСЬ

Эрзянь литературной келенть, кода лия кельтненьгак, улить эсензэ сёрмадомань ды кортамонь лувонзо. Сёрмадомань нормакс лововить сёрмадомань правилатне, конатненень мерить орфография, кортамонь нормакс арыть гайтень ёвтамонь правилатне, конатненень мерить орфоэпия.

Орфоэпиясь (грекень — *orthoépeia* < *orthós* — виде + *épos* — кортамо) — 1) литературань кельсэ видестэ кортамонь правилатне; 2) фонетикань пелькс, конась тонавтннн литературань кельсэ видестэ кортамонь правилатнень.

Эрзянь кельсэ кортамонь норматнень (правилатнень) коряс те васенцеде анокстазь валкс, конась аравты истят путовкст: вейс пурнамс орфоэпиянь правилатнень; невтемс, кода ёвтавить гласнойтне ды согласнойтне, башка грамматикань форматне ды рузонь кельстэ саезь валтнэ.

Валкссонтъ валтнэ максовить алфавитэнь коряс. Сонзэ эйсэ арасть толковамот, стилень тешкст. Васенцекек максови эрзянь орфографиянь коряс валонтъ сёрмадомась, мельганзо — валонь ёвтамось. Тестэ лиси, анокстазь валксось вешкане ули кода орфографиянь, истя орфоэпиянь справочникекс.

Эрзянь кельсэ вачкодъксесь пры валонь васенце ды лия слогтнень лангс, сексон валкссонтъ а невтевияк.

Анокстазь валксонтень совавтозь малав 16 000 валт: неень шкань эрзянь литературань келень валтнэ, таштомозь валтнэ, флорань ды фаунань лемтне, рузонь кельстэ ды сонзэ вельде лия кельстэ саезь валтнэ.

Валксонтъ коряс мельтнень-арсематнень энялдтано кучомс истямо адресэнтъ коряс: 430005 Мордовия Республикась, Саранск ошось, Л. Толстоень курось, 3-це кудось.

КОРТАМО ПЕЛЬКСТНЭНЬ МАКСОМАСЬ

Существительнойтне

Валкссонтъ существительнойтне максовить ушодксонь формасо — основной склонениянь именительной падежень (номинативенъ) вейкенъ числанъ формасо. Ламонъ числасо максовить сеть существительнойтне, конатненъ арась вейкенъ числанъ формаст, саемга: **васоньпеельть, понкст, почт, оргат, сельмукшт** ды лият.

Седе тов максови существительноентъ ламонъ числанъ формазо — ансяк сеть валтнэненъ, конатненъ ёвтамсто улить кодаткак полавтомат ды стакачить, саемга: **вакан** вакан, **вакант** вакат; **ривезь** ривез', **ривезть** р'ивэс'т'; **эмеж** эмэж, **эмежть** эмэшт'; **тарад** тарад, **тарадт** таратт.

Ламонъ числанъ формантъ мельга молить местной (инессив), исходной (элатив) ды вносительной (иллатив) падежтненъ форматне — бути неть форматне ёвтавить аволь истя, кода сёрмадовить, саемга: **азор** азор, **азорсо** азорцо, **азорсто** азорцто, **азорс** азорц; **ведь** вэд', **ведть** вэт'т', **ведьсэ** вэцэ, **ведьстэ** вэцтэ, **ведьс** вэц; **медь** мэд', **медть** мэт'т', **медьсэ** мэцэ, **медьстэ** мэцтэ, **медьс** мэц; **кеж** кэж, **кежть** кэшт', **кежсэ** кэшцэ, **кежстэ** кэшцтэ, **кежс** кэшц; **клендерь** кл'эн'д'эр', **клендерьсэ** кл'эн'д'эр'цэ, **клендерьстэ** кл'эн'д'эр'цтэ, **клендерьс** кл'эн'д'эр'ц.

Валкссонтъ истя жо максовить вишкалгавтыця ды кольневтеманъ суффикс марто существительнойтне, саемга: **авине** авин'э, **велине** вэл'ин'э, **атякшке** ат'акшкэ, **тарадке** тараткэ.

Валксонтень совавтовить стакалгавтозь (**вайгельпе** вайгэл'бэ, **эйсюрэ** эй'уро, **сэнькев** сэн'гэв) ды кавонзазь (**ават-цёрат** ават-ц'орат, **валт-кельть** валт-кэл'т', **карть-пракстат** кар'т'-пракстат) существительнойтнеяк.

Прилагательнойтне

Валкссонтъ максовить кода качественной (**ашо** ашо, **алкине** алкин'э, **мазый** мазый), истя относительной (**авань** аван', **алашань** алашан', **кудонь** кудон') прилагательнойтнеяк.

Валксонтень совавтовить кавонзазь прилагательнойтне, саемга: **валдо-сэнь** валдо-сэн', **чопода-тюжа** чопода-т'ужа, **пиже-ожо** пижэ-ожо.

Истя жо совавтовить рузонъ кельстэ саезь прилагательнойтне, конатне сёрмадовить эрзянь орфографиянь норматненъ коряс, саемга: **дряхлой** др'ахлой, **ехидной** йэхидной, **жадной** жадной.

Числительнойтне

Валксонтень совавотить ламочинь ды лувонь числительнойтне.

Ламочинсетнень ютксто максовить апак стакалгавто (**вейке** вэйкэ, **кавто** кавто, **кемень** кэмэн'), стакалгавтозь (**кемголмово** кэмголмово, **комсьсисемге** комс'с'ис'эмгэ, **ведьгемень** вэд'гэмэн') ды кавонзазь числительнойтне. Кавонзазь числительнойтне аштить номинативень формасо (**кавто-колмо** кавто-колмо, **колмо-ниле** колмо-н'ил'э) ды генитивень, конатнесэ омбоце пельксэнь васенце согласноесь ёвтави гайтевстэ, саемга: **кавтонь-кавтонь** кавтон'-гавтон', **колмонь-колмонь** колмон'-голмон', **котонь-котонь** котон'-готон'. Вейсэндязь числительнойтне а максовить. Истя жо валксонтень совавотить вейсэндявтомань числительнойтне, саемга: **веенст** вэйэнцт, **колмонст** колмонцт, **котонст** котонцт, **ниленек** н'ил'эн'эк.

Келейстэ невтезь лувонь числительнойтнеяк, саемга: **васенце** вас'эн'ц'э, **вейксэньгеменце** вэйксэн'гэмэн'ц'э, **кавксоце** кавксоц'э, **ветесядоце** вэт'эс'адоц'э ды седе тов.

Местоимениятне

Валксонтень совавотить эрва кодамо куронь местоименият, саемга: **тон** тон, **сон** сон, **монсь** мон'ц', **тонсь** тон'ц', **вана** вана, **зяро** з'аро, **зяро-бути** з'аро-бут'и, **кне** кийэ, **истямо** ис'т'амо ды лият.

Глаголtnэ

Валксонтнь глаголtnэ максовить инфинитивень (аволь определенной) формасо, конань мельга моли изъявительной наклонениянь (индикативень) ютазь шкань 3-це лицянь вейкень числань формась, саемга: **сёрмадомс** с'ормадомс, **сёрмадсь** с'ормац'; **молемс** мол'эмс, **мольсь** мол'ц'; **кандомс** кандомс, **кандсь** кан'ц'; **важоме**с важод'эмс, **важомдсь** важдоц'; **каназкадомс** канаскадомс, **каназкадсь** канаскац'. Седе тов максови кармавтомань наклонениянь (императивень) 2-це лицянь вейкень числань формась, саемга: **вармалгадомс** вармалгадомс, **вармалгадсь** вармалгац', **вармалгадт** вармалгат; **вачкоде**с вачкод'эмс, **вачкодсь** вачкоц', **вачкодть** вачкот'; **кавтолдомс** кавтолдомс, **кавтолдсь** кавтолц', **кавтолдт** кавтолт. Весе неть форматне максовить сестэ, зярдэ сынст ёвтамсто улить кодаткак полавтомат.

Валксонтень башка совавотить ламонькирдань (**аварькшнемс** авар'кшн'эмс, **аксунгалемс** аксунгал'эмс, **ёртнемс** йор'т'н'эмс) ды кармавтомань (понудительной) (**кеждявтомс** кэжд'автомс, **керявтомс** кэр'автомс, **гайгставтомс** гайкставтомс) глаголtnэ. Истя жо невтевить глаголонть возможностной ды возвратной форманзо, саемга: **ацавомс** ацавомс, **ёвкставомс** йовкставомс, **кершавомс** кэрчавомс, **валновомс** валновомс ды лият. Весе неть глаголонь форматненень максовить индикативень ютазь шкань 3-це лицянь вейкень числань ды императивень 2-це лицянь вейкень числань форматне, бути ёвтамстост улить полавтомат, саемга: **калгсеме** калкс'эмс, **калгсесь** калкс'эс', **калгсек** калкс'эк; **абунгавтомс** абунгавтомс, **абун-**

гавтсь абунгавц', **абунгавтт** абунгавт; **вадяшавтомс** вад'ашавтомс, **вадяшавтсь** вад'ашавц', **вадяшавтт** вад'ашавт ды седе тов.

Орфоэпиянь валксонтень истя жо совавтозь:

— **глаголсто теезь лемтне**, саемга: **абунгадома** абунгадома, **ванськавтома** ван'ц'кавтома, **туема** туйэма, **кирякстома** кир'акстома ды лият;

— **-ыця/-иця, -зь** ды **-кс (-вкс)** суффикс марто **причастиятне**, саемга: **алтазь** алтаз', **колазь** колаз', **соказь** соказ', **ёколдыця** йоколдыц'а, **азгондиця** азгон'д'иц'а, **кадовикс** кадовикс ды седе тов;

— кой-кона **деепричастиятне**, саемга: **талнозь** талноз', **мизолдозь** мизолдоз', **кенярдозь** кэн'ардоз', **озадо** озадо, **стядо** с'т'адо, **кершамсто** кэрчамсто ды лият.

Наречиятне

Валксонтень совавтовить эрьва кодамо куронь наречият, саемга: **маласо** мала-со, **манить** маныт', **лиясто** л'ийасто, **исяк** ис'ак ды седе тов. Истя жо — кавонзазь наречиятне, саемга: **кашторк-кашторк** кашторк-кашторк, **кулдор-калдор** кулдор-галдор, **тей-тов** т'эй-дов, **чикор-лакор** чикор-лакор, **нучк-пачк** нучк-пачк ды лият.

Валксонтень истя жо максовить **валмельгакстнэ** ды **союзтнэ**.

Прявт валонть мельга молиця весе форматне максовить фонетикань транскрипциясо квадратной скобкавтомо.

ЭРЗЯНЬ КЕЛЕНЬ ОРФОЭПИЯНЬ НОРМАТНЕ

Эрзянь келень орфоэпиянь норматне (лувтне) истят:

- 1) гласной ды согласной гайттнень ёвтамост;
- 2) башка грамматической форматнень ёвтамост;
- 3) рузонь кельстэ саезь валтнень ёвтамост.

Эрзянь келень орфоэпиянь принципесь — ёвтамс валтнень истя, кода сынь сёрмадовить.

Гласной гайттнень ёвтамост

Эрзянь кельсэ валонь васенце слогсо малав весе гласной гайттне ёвтавить апак полавто, саемга:

а: ава [ава], ваномс [ваномс], зяро [з'аро], сядо [с'адо], кавто [кавто], пачтемс [пачт'эмс], вал [вал] ды седе тов;

о: тонадомс [тонадомс], мон [мон], сокамс [сокамс], овто [овто], ковол [ковол], сёвномс [с'овномс], лёмзёр [л'омз'ор], цёра [ц'ора] ды лият;

у: кудо [кудо], судо [судо], нупонь [нупон'], пурдамс [пурдамс], пусмо [пусмо], лушмо [лушмо], судрямс [судр'амс] ды седе тов;

э: эсь [эс'], эрзя [эр'д'за], эряви [эр'ави], экше [экшэ], эрямо [эр'амо], сэнь [сэн'], зэрнемс [зэр'н'эмс], сэне [сэпэ], сэря [сэр'а] ды лият;

ы: тынь [тын'], сынь [сын'], тынгай [тынгай], тыжнэмс [тыжнэмс], лыйнемс [луйн'эмс] ды седе тов;

и: ёвтави валонь ушодкссо, чевте парной ды аволь парной согласной мельга: икеле [икэл'э], пикс [пикс], пинеме [пин'эмэ], сизема [с'из'эма], рисьме [р'ис'мэ], а ж, ш, ч калгодо согласнойтнень мельга сон ёвтави прок **[ы]:** чи [чы], чире [чыр'э], шивеч [шивэч], шикадемс [шыкад'эмс], жив [жив] ды лият.

Валонь аволь васенце слогсо весе гласнойтне ёвтавить марявиксстэ: **вальма** [вал'ма], **кавто** [кавто], **велесэ** [вэл'эсэ], **молемс** [мол'эмс], **ашо** [ашо], **ашине** [ашын'э], **кудыне** [кудын'э], **каштан** [каштан], **одирьва** [од'ир'ва].

Согласной гайттнень ёвтамост

Эрзянь кельсэ согласной гайттне гласнойтнень ды сонорнойтнень икеле ёвтавить ваньксстэ: **икелев** [икэл'эв], **тарад** [тарад], **ваднемс** [вад'н'эмс], **кирнемс** [кир'н'эмс], **кудо** [кудо], **пурнавкс** [пурнавкс] ды седе тов.

Эрзянь кельсэ **щ** гайтенть таркас ёвтави [шт] эли кувака [шт’]: **щётка** [шт’отка], **щука** [шт’ука], **щёка** [шт’ока], **щепка** [шт’эпка] ды лият.

Вейке слогонь валтнэсэ прядовиця гайтев согласноесь ёвтави гайтевстэ: **лов** [лов], **сод** [сод], **сэдь** [сэд’], **кедь** [кэд’], **ваз** [ваз], **лаз** [лаз], **тов** [тов], **кель** [кэл’] ды седе тов.

Эрзянь кельсэ парной согласнойтне **е, ё, ю, я, и** гласнойтнень икеле ёвтавить чевтестэ: [д’], [з’], [л’], [н’], [р’], [с’], [т’], [ц’]: **седамс** [с’эд’амс], **сеземс** [с’эз’эмс], **сёрмадомс** [с’ормадомс], **вельтамс** [вэл’т’амс], **рисьме** [р’ис’мэ], **коня** [кон’а] ды лият; **а, о, у, ы, э** гласнойтнень икеле — калгодосто: **кода** [кода], **сазор** [сазор], **кона** [кона], **тосо** [тосо], **суро** [суро], **мода** [мода] ды седе тов;

б, м, п, в, ф, к, г аволь парной согласнойтне икельце рядонь гласной икеле ёвтавить чевтестэ: **берякшке** [бэр’акшкэ], **зепе** [з’эпэ], **кепе** [кэпэ], **ведь** [вэд’], **сиве** [с’ивэ], **кедьге** [кэд’гэ] ды лият;

ж, ш, ч щипящейтне ёвтавить калгодосто: **шечей** [шэчэй], **шекшата** [шэкшата], **пиже** [пижэ], **жойть** [жойт’], **чивалдо** [чывалдо], **чев** [чэв], **чов** [чов] ды седе тов;

кода эрзянь, истя жо рузонь кельстэ саезь валтнэсэ **л, л’, н, н’, р, р’** сонорнойтнень мельга молиця **с, с’** гайттнень таркас ёвтавить [ц], [ц’] аффрикататне: **ярсамс** [йарсамс], **нурсемс** [нур’ц’эмс], **карсемс** [кар’ц’эмс], **тонсь** [тонц’], **монсь** [монц’], **вирьстэ** [вир’цтэ], **уголс** [уголц], **палсемс** [палц’эмс], **базарсо** [базарцо] ды лият;

тс, тс’, дс, дс’ гайтень сьулмавкстнэ валонь песэ ды куншкасо гайгить кода аффриката **ц, ц’**: **кандсь** [кан’ц’], **одсто** [оцто], **путсынть** [пуцын’], **потсо** [поцо] ды седе тов;

л, л’, н, н’, р, р’ сонорнойтне ды **з, з’, ж** гайттне вейсэ ёвтавить $\widehat{дз}, \widehat{д’з’}, \widehat{дж}$ гайтень сьулмавксокс: **колмонзамс** [колмон $\widehat{дз}$ амс], **кенже** [кэнд $\widehat{жэ}$], **канзодемс** [канд $\widehat{зод’эмс}$], **аржо** [ард $\widehat{жо}$], **пульзамс** [пул’д $\widehat{з’эмс}$] ды лият.

Парной гайттеме гайттне гайтевтнень мельга молемстэ ёвтавить гайтевтстэ:

— стакалгавтозь (композитнэсэ) ды кавонзазь валтнэсэ: **вайгельпе** [вайгэл’бэ] (вайгель + пе), **эйсуро** [эйз’уро] (эй + суро), **сэнъкев** [сэн’гэв] (сэнъ + кев), **ведь-палакс** [вэд’балакс] (ведь + палакс), **андозь-симдезь** [андоз’-з’имд’эз’], **калдор-кулдор** [калдор-гулдор] ды лият.

— бойка кортамсто кавто валонь ёвтамсто, бути сынъ теить вейке синтагма: **овтонь пона** [овтон’бона], **ревень пона** [р’эвэн’бона], **атякшонь пилекст** [ат’акшон’бил’экст], **од тейтерь** [одд’эйт’эр’] ды седе тов.

Грамматической форматнень ёвтамост

Валонь полавтнемстэ эли од валонь теемстэ молить эрва кодат фонетикань процесст: ассимиляция, диссимиляция, гайтень прамо, лия гайтень появамо. Истя, валлувсо ды вальюрсо меельце **б, д, д’, г, ж, з, з’** гайттнень мельга гайттеме гайтстэ ушодовиця пень путомсто ёвтавить гайттемекс [п], [т], [т’], [к], [ш], [с], [с’]: **клуб** — **клубт** [клуб — клупт], **клубсо** [клупсо], **кедь** — **кедть** [кэд’ — кэт’т’], **кардаз** — **кардазт** [кардаз — кардаст], **кеж** — **кежть** [кэж — кэшт’], **сараз** — **саразт** [сараз — сараст], **раужо** — **раужкадомс** [раужо — раужкадомс] ды лият.

Эрзянь кельсэ **н, н'** гайттень лангс прыдовиця валтнэнь ламонь числань теиця **-т, -ть, -тне, -тнэ** суффикстнэнь поладомсто **н** ды **н'** гайтне а ёвтавить: **вакан — вакант — вакантнэ** [вакан — вакат — вакатнэ], **ломань — ломанть — ломантне** [ломан' — ломат' — ломат'нэ], **палмань — палманть — палмантне** [палман' — палмат' — палмат'нэ], **нупонь — нупонтъ — нупонтне** [нупон' — нупот' — нупот'нэ] ды седе тов.

Зярдо **-т, -ть, -тне, -тнэ** суффикстнэнь икеле валлувань прыдови **т** согласнойсэ ды сёрмадови кавонзасы **тт**, сестэ кавто **тт**-не марявить вейкекс: **пярвт — пярвтт — пярвтнэ** [пр'авт — пр'авт — пр'автнэ], **атярвт — атыртт — атыртнэ** [ат'авт — ат'авт — ат'автнэ], **тенсть — тенстть — тенстне** [т'эн'ц'т' — т'эн'ц'т' — т'эн'ц'т'нэ] ды лят.

Кавто **с, с', з, з'** свистящейне вастовомсто теевить среднеязычной **й** гайтекс. Те эрси ютазы шкань 3-це лицань глаголонь форматнесэ ды существительнойне инессивень, элативень ды иллативень форматнесэ: **козомс — козьс** [козомс — косц'/койс'], **колхоз — колхозсо — колхозсто — колхозс** [колхоз — колхозсо/колхойсэ — колхозсто/колхойстэ — колхозс/колхойс] ды седе тов.

Аволь невтемачинь полавтнемасо инессивень, элативень ды иллативень форматнесэ **дс, д'с', тс, т'с'** гайтень сюлмавкстнэ ёвтавить [ц], [ц'] гайтекс: **садсо** [сацо], **садсто** [сацто], **садс** [сац]; **вановтсо** [вановцо], **вановтсто** [вановцто], **вановтс** [вановц] ды лят.

Ламонькирдань глаголтнэсэ, сынст эйтэ теевезь причастиятнесэ ды деепричастиятнесэ **н** гайтенть икеле аштиця **т** согласноеь (**в, р, р', н, н', л, л', м** башка) а ёвтави: **кевкстнемс** [кэвкс'н'эмс] — **кевкстниця** [кэвкс'н'иц'а] — **кевкстнезь** [кэвкс'н'эз']; **нолаштнемс** [нолашн'эмс] — **нолаштниця** [нолашн'иц'а] — **нолаштнезь** [нолашн'эз']; **нолштнемс** [нолшн'эмс] — **нолштниця** [нолшн'иц'а] — **нолштнезь** [нолшн'эз'], но **озавтнемс** [озавт'н'эмс] — **озавтниця** [озавт'н'иц'а] — **озавтнезь** [озавт'н'эз'] ды лят.

Стакалгавтозь валтнэнь (компаративнэнь) пельксэст вейсэ сёрмадомсто кавонзасы букватне марявить вадрысто кавонест: **аллукш** [аллукш], **ортаалкс** [ортаалкс], **комсьсисемге** [комс'с'ис'эмгэ]; парсте марявить ды ёвтавить васодезь кавто авейкеть гласнойтнеяк: **сельмеашо** [с'эл'мэашо], **пилеой** [пил'эой], **велеушо** [вэл'эушо], **киуло** [киуло] ды седе тов.

Рузонь кельстэ саезь валтнэнь ёвтамост

Рузонь валтнэнь пес, конат прыдовить **-изм, -тр, -йн, -ри** гайтень сюлмавкстнэсэ, эрзянь кельсэ ёвтамсто ды сёрмадомсто путови **а** гайтесь: **социализма** [соц'и-ал'изма] «социализм», **бассейна** [бас'эйна] «бассейн», **театра** [т'эатра] «театр», **комбайна** [комбайна] «комбайн» ды лят.

Рузонь кельстэ саезь **о** лангс прыдовиця валтнэ вантсызы эсь сёрмадомаст ды ёвтамост: **кино** [кино], **метро** [мэтро], **радио** [радио] ды лят.

Ч гайтенть марто кой-кона рузонь валтнэ эрзянь кельсэ ёвтавить ды сёрмадовить **ц** вельде: **боцька** [боц'ка] «бочка», **коцькерьган** [коц'кэр'ган] «кочерга», **калаця**

[калац'а] «калач», **церепка** [ц'эр'эпка] «черепок», **кирьпець** [кир'пэц'] «кирпич» ды лият.

Киртязь стакалгавтозь валтнэ ёвтавить истя жо, кода рузонь кельсэ: **роно**, **вуз**, **профком** ды лият. Бути сынь полавтневить, сестэ тенст путови эрзянь келень аффикс: **вузонь** [вузон'] «вузовский», **профкомонь** [профкомон'] «профкомовский», **ронов** [ронов] «в роно» ды лият.

Прилагательнойтненень путовить **-ой**, **-ей**, **-нь** суффикст: **генеральной** [гэн'э-рал'ной] «генеральный», **школань** [школан'] «школьный», **средней** [ср'эд'н'эй] «средний», **советской** [совэцкой] «советский» ды лият.

Стакалгавтозь прилагательнойтненень васенце пельксэсь а полавтови, омбоцентень путови эрзянь келень суффикс **-ой**: **среднерусской** [ср'эд'н'эрусской] «среднерусский», **финно-угорской** [фино-угорской] «финно-угорский», **военно-космической** [войэно-кос'мичэской] «военно-космический» ды седе тов.